



Universitätsbibliothek Paderborn

**Panegyricvs, Die Natali Academiæ Theodorianæ
Paderbornensis, Reuerendissimo, atq[ue] Illustrissimo
Principi, ac Domino, Theodoro, Episcopo Ecclesiæ
Paderbornensis, S. R. I. Principi, Fvndatori Eivs ...**

Horrion, Johann

Paderbornæ, 1616

Capvt I. Prooemium.

urn:nbn:de:hbz:466:1-14243

PANEGYRICVS, NATALI
DIE ACADEMIÆ THEODORIANÆ PA-
DERBORNENSIS, OBLATVS EIVS MVNIEL.
centissimo Fundatori, Reuerendissimo atq;
Illustrissimo Principi,

D. THEODORO
EPISCOPO PADERBORN.
S.R.I. PRINCIPI, DOMINO, AC PRIN-
CIPI CLEMENTISSIMO.

Liber I. Panegyrici.

De Academia in VVestphalia fun-
data.

CAPVT PRIMVM.

Proœmium.

Icet jam, Reuerendissime
& Illustrissime Princeps, tandem aliquando
huic florentissimæ Iuuentuti erumpere
pressam adhuc animis, clausamque lati-
tiam, & sua erga Cels. V. studia, condito
amplissimo in hac Vrbe optimarum artium domicilio jam-
pridem inflammata, publica gratulatione testari. Quan-
quam enim alterum jam annum hoc maximo, præstantif-
fimoq;

B

fimoq;



simoque beneficio sancie frequentes uterbamur, quoniam
tam etiam necdum publice propositis ijs litteris, quibus Pon-
tifex Maximus, & Cesar Academia nobis immunitates &
jura concedunt, necessarius quidam splendor deerat, nos
quoque gaudia ac vota nostra tantisper in hominum lu-
cem, atq; oculos proferre verebamur. At hodierno die
quis jam obscure ferat sensum animi sui, cum ad earum
litterarum promulgationem ex omnibus prope VVest-
phaliae partibus concursus in hanc Urbem fiant? cum tot
mortales in te inhient, tibiq; gratias agere gestiant, a quo
liberis suis potiores omni auita paternaq; hereditate esse
paratas opes intelligunt? cum omnia Dei immortalis al-
taria, atq; templa, perpetuam sejam tibi doctorum, pra-
stantiumque virorum facultatem & copiam debitura fa-
teantur? cum deniq; ipsa adeo oppida atque vici videan-
tur, si fieri posset, ejcere se sedibus suis, atque ad hoc no-
uum patriae decus, hanc arcem disciplinarum, hoc muni-
mentum autem religionis, seminariumque reip. coram in-
tuendum velle periuolare? In hac communia laetitia, atque
plausu nemo non intelligit, quantum flagitijs simus admis-
suri, si ad quos haec præcipue tua merita pertinent, non o-
mnibus, quibus licuerit, gratulationis officiis perfunga-
mur. Quanquam hic omnium ardor, atque concursus
non medicam ipse per se nobis præbet gratulandi mate-
riam. Est enim primus beneficiendis fructus, non in di-
gno benefecisse: proximus non ingrato. Quos quidem
immortalis tui beneficij fructus, iamnunc, Princeps Illu-
strissime, te ferre sentimus, & gratulamur ex animo, quan-
doquidem animaduertis, te, hac prima VVestphaliae Aca-
demia molienda non in gentem aliquam inertem, atque
a Musis abhorrentem, aut magnitudini beneficij aestiman-
da imparem, sumptum, atq; jacturam fecisse. Hæc enim,
hodierna

hodierna alacritas , & faulæ precatio[n]es omnium ordinum, perindeatq[ue] in communi quadam, & eximia fortunæ prosperitate gratulantium, satis ostendunt & quanto vulgo sapientæ amore teneantur , & hoc tuum beneficium, quanti omnes faciendum putent. Sed caue existimes, Princeps Illustrissime, repentinum hunc esse quendam animi impetum jam primum tantæ rei nouitate commotum. Est enim quædam indoles virtutis & sapientiae, præclaris maiorum institutis, exemplisque corroborata, quæ animos ad bonarum artium cupiditatem sponte sua assiduo rapit, quarum se tantam modo facultatem tuo beneficio nactos esse gloriantur. Repentri siquidem mihi memoriam præteriti temporis, atq[ue] animo recolenti, quæ adhuc fuerit in VVestphalia magnitudo ingeniorum, quis ardor discedi, quæ laborum patientia, subit in mentem mirari, quo tandem fato acciderit, ut amantissima laudabilium doctrinarum natio tam diu integrum, atque perpetuum, carum emporium desiderarit. Qua de re existimau[er] nihil me alienum ab huius dici splendore, & latitia esse facturu, si pauca apud Celsitud. V. verba facerem: idq[ue] ut mihi bona tua venia liceat etiam, atque etiam rogo. Cognosces enim ex ijs quæ dicam, si omnes, qui jam inde ex eo tempore, cùm primùm VVestphalia veritatis Christianæ lumē aspexit, has oras tenuerunt, modò à mortuis existerent, nihil ijs, qui nunc adsunt, de studio erga te, atque officio, nihil prædicando beneficio tuo, nihil agendis gratijs esse concessuros. Erit deinde cur præcipuam tibi quandam felicitatem gratulemur, qui D e i singulari munere id absolueris, atq[ue] perficeris, quod antea tot viri graues, ac sapientes vel tacitis votis optarunt, vel aliqua duntaxat parte tentauerunt. Discret deniq[ue] nostra iuuentus quoisq[ue] jam progreedi in bonarum artium studijs oporteat, tam certis, &

tis, & expeditis abs te discendi præfidijs comparatis, sine
quibus nostri maiores tanta sunt in ihs ingenij, & laborum
contentione verlati.

C A P V T II.

**Quanti VVestphaliae ingenia fecerit
D. Carolus Magnus.**

SVnt enim ita ferè comparati præstantes ani-
mi: citò arripiunt, quæcunq; ad veram laudem, de-
cussq; pertinent, sibique turpe ducunt semel conspec-
ctam in pura luce veritatem mediocri ardore com-
plecti. Neq; eò contenti, simul cum veritate, omnia per-
sequuntur, atq; appetunt præsidia & adiumenta veritatis.
Vix Christiana veritas VVestphalis illuxerat, cùm ita non
eius modò, sed etiam liberalium artium quarum illa comi-
tatu plurimum gaudet, & opera vtitur, amore sunt capti,
vt breui Carolum Magnum non magis bellicæ virtutis,
quam politæ, pacatæq; doctrinæ peritum, & acrem æstima-
torem, in eam spem adducerent, nulli cæterarum, quæ in
eius essent imperio, gentium, hanc sapientiæ, & eloquentiæ
gloria inferiorem futuram. Nam cùm per id tempus inter
suos, & Orientalis Imperatoris liberos nuptias coniunctum
iri confideret, optaretq; religiosissimus Princeps uti
hac affinitate ad ytriusque Imperij Ecclesiæ certa ac stabili
inter se concordia vinciendas, neq;, in tanta populorum,
qui ei parebant multitudine, viri eruditæ deessent ac diser-
ti, quibus id negotium cùm dignitate mandari posset, ta-
men eam habuit opinionem ingenij & industriae nostro-
rum hominum, vt illos potissimum tantis rebus sustinen-
dis, atq; tractandis idoneos esse iudicaret. Neque verò
vnum duntaxat sibi ex eis legatum delegit (quod tamen in
gente